



---

**Kantonalna uprava civilne zaštite**

Broj: 18/03-44-20653/12  
Tuzla, 23.07.2012. godine

Kantonalna uprava civilne zaštite, na osnovu člana 128. stav 4. Zakona o zaštiti od požara i vatrogastvu ("Službene novine Federacije BiH", broj: 64/09) i člana 200. Zakona o upravnom postupku ("Službene novine Federacije BiH", broj: 2/98 i 48/99), rješavajući po zahtjevu "Zavoda za zaštitu i projektovanje" d.d. Tuzla, u predmetu izdavanja ovlaštenja za obavljanje poslova stručnog osposobljavanja i usavršavanja zaposlenih lica iz oblasti zaštite od požara, d o n o s i

**RJEŠENJE**

Daje se ovlaštenje "Institutu za zaštitu, ekologiju i obrazovanje" d.d. Tuzla, sa sjedištem u Tuzli, Bosne Srebrene br. 127, za obavljanje poslova stručnog osposobljavanja i usavršavanja zaposlenih lica iz oblasti zaštite od požara.

"Institut za zaštitu, ekologiju i obrazovanje" d.d. Tuzla dužan je u izvođenju poslova pridržavati se Programa obuke zaposlenika u pravnim licima, državnim organima i drugim institucijama u oblasti zaštite od požara ("Službene novine Federacije BiH", broj: 59/10) i drugih propisa koji regulišu ovu oblast.

Obavljanje stručnih poslova iz oblasti zaštite od požara iz stava 1. ovog ovlaštenja daje se na period od 5 godina.

"Institut za zaštitu, ekologiju i obrazovanje" d.d. Tuzla dužan je dužan je u roku od 15 dana od dana nastanka promjene, koja je od uticaja na sposobnost obavljanja stručnih poslova, kako je to navedeno u ovom rješenju, zatražiti izmjenu ovlaštenja.

**O b r a z l o ž e n j e**

"Institut za zaštitu, ekologiju i obrazovanje" d.d. Tuzla, sa sjedištem u Tuzli, Bosne Srebrene br. 127, podnio je dana 12.07.2012. godine, zahtjev za izdavanje ovlaštenja za obavljanje stručnih poslova stručnog osposobljavanja i usavršavanja zaposlenih lica iz oblasti zaštite od požara.

Uz zahtjev je priložena sljedeća dokumentacija:

- Ovjerena kopija izvoda iz sudskog registra sa rješenjem o upisu u sudski registar,
- Uvjerenje o izmirenim obavezama poreza po osnovu doprinosa za penzijsko i invalidsko osiguranje, doprinosa za zdravstveno osiguranje i osiguranje od nezaposlenosti za aktivne osiguranike koji su zasnovali radni odnos,
- Ovjerene fotokopije diploma za uposlenike,
- Ovjerene fotokopije uvjerenja o položenom stručnom ispitu,
- Ovjerena fotokopija uvjerenja o položenom stručnom ispitu za obavljanje poslova projektovanja i pružanja intelektualnih usluga u vezi sa zaštitom od požara,

- Ugovor o poslovno-tehničkoj saradnji po osnovu pružanja usluga iz oblasti zaštite od požara sa preduzećem „Vatrosprem“ d.o.o. Tuzla.
- Ovjerena kopija upotrebne dozvole za poslovni prostor.
- Popis i opis tehničke opreme i nastavnih sredstava za izvođenje obuke iz oblasti zaštite od požara,

Uzimajući u obzir naprijed navedeno, utvrđeno je da su ispunjeni uslovi za izdavanje ovlaštenja za izvođenje obuke od strane ovog pravnog lica, prema Programu obuke zaposlenika u pravnim licima, državnim organima i drugim institucijama u oblasti zaštite od požara (“Službene novine Federacije BiH”, broj: 59/10).

**Pouka o pravnom lijeku:** Protiv ovog rješenja se može izjaviti žalba Federalnoj upravi civilne zaštite, u roku od 15 dana od dana prijema istog. Žalba se predaje putem Kantonalne uprave civilne zaštite.



**DIREKTOR**

Mr. sc. Zdenko Tadić

Dostaviti:

- ☞ naslovu
- evidenciji
- arhivi